



SEBAHAGIAN pelatih Kor Sukarelawan Polis Siswa Siswi (Suksis) menunjukkan kehebatan pada perbarisan tamat latihan di Universiti Putra Malaysia (UPM) di Serdang, Selangor, semalam.

SEGAK BERGAYA

SERAMAI 762 pelatih Kor Sukarelawan Polis Siswa Siswi (Suksis) di beberapa institusi pengajian tinggi awam (IPTA) berjaya menamatkan latihan yang diharungi selama tiga tahun.

Mereka yang terdiri daripada 365 siswa dan 397 siswi dari 15 IPTA menghadiri

majlis yang berlangsung di Universiti Putra Malaysia (UPM) Serdang, semalam.

Lebih bermakna apabila pada majlis tamat latihan itu, Ketua Polis Negara, Tan Sri Musa Hassan berkata, mereka akan dilantik sebagai Inspektor Sukarelawan Polis.

Bagaimanapun pelantikan itu bergantung kepada kekosongan yang wujud.

Bekas pelatih Kor Suksis itu juga akan diberi keutamaan untuk memilih jawatan sebagai Inspektor apabila mereka memohon kerja dengan Polis Diraja Malaysia (PDRM).

Sehingga kini, sebanyak 20 IPTA telah

menubuhkan Kor Suksis sejak ia diilhamkan 4 Februari 1999 dan ia kini mempunyai seramai 1,857 anggota dan pegawai.

Program latihan ini memberi pilihan kepada graduan untuk memperkayakan diri dengan kelainan dari segi pengetahuan dan pengalaman tambahan yang pasti akan



SEBAHAGIAN pelatih Kor Sukarelawan Polis Siswa Siswi (Suksis) yang berjaya menamatkan latihan di Universiti Putra Malaysia (UPM) Serdang, Selangor, semalam.

memberi nilai tambah kepada mereka.

Modul latihan selama tiga tahun yang dibentuk khas itu memberi penekanan bagi menanam kefahaman terhadap kerjaya kepolisan di kalangan pelatih di samping melengkapkan diri dari segi ketahanan mental, fizikal dan disiplin diri.